



Broj: 12-22-1243/25-8

Datum: 23.05. 2025. godine

**PROGRAM
UTROŠKA SREDSTAVA
„TRANSFER - POTICAJ ŠUMAMA U SKLADU SA ZAKONOM O ŠUMAMA“
UTVRĐENIH IZMJENAMA I DOPUNAMA BUDŽETA
SREDNJOBOSANSKOG KANTONA/KANTONA SREDIŠNJA BOSNA
SA KRITERIJIMA RASPODJELE SREDSTAVA ZA 2025. GODINU**

A. SVRHA PROGRAMA

Shodno članu 54. Zakona o šumama ("Službene novine SBK": broj: 5/14; 12/15; 8/16; 7/18, 14/20 i 1/23), radi ostvarivanja općeg interesa i dugoročnih ciljeva održivog gospodarenja šumama utvrđenih šumskogospodarskim osnovama, prikupljaju se finansijska sredstva za zaštitu i unapređenje stanja postojećih i podizanja novih šuma i za ruralni razvoj. Finansijska sredstva se obezbjeđuju iz naknada po osnovu člana 54. stav 2. Zakona o šumama, te se ista u skladu sa članom 55. i članom 56. Zakona, uplaćuju kao namjenska sredstva na račun budžeta kantona. Ova sredstva obezbjeđuju se iz:

- Naknada za općekorisne funkcije šuma;
- Naknada za korištenje državnih šuma;
- Naknada za obavljanje stručnih poslova u privatnim šumama;
- Naknada za izdvajanje dijelova državnih šuma iz šumskogospodarskih područja;
- Naknada u postupku promjene namjene šuma i šumskog zemljišta (krčenja šuma);
- Naknada po osnovu zakupa državnog šumskog zemljišta;
- Naknada po osnovu uspostave prava služnosti na državnom šumskom zemljištu;
- Ostalih izvora shodno ovom Zakonu i iz drugih izvora.

Shodno članu 57. stav 2. Zakona o šumama, za iznos sredstava utvrđen budžetom kantona u tekućoj godini za te namjene, Kantonalna uprava za šumarstvo je u obavezi da pripremi program utroška sredstava.

B. VISINA SREDSTAVA I IZVORI SREDSTAVA

Izmjenama i dopunama Budžeta Srednjobosanskog kantona za 2025. godinu usvojenog 21.05.2025.godine, razdjel 19, glava 02, predviđen je transfer na ekonomskom kodu:

1. Poticaj šumarstvu za državne šume i poticaj šumarstvu za privatne šume:

- Ekonomski kod 614400- Subvencija javnim preduzećima -

poticaj šumarstvu za državne šume u iznosu 2.200.504,00 KM.

-Ekonomski kod 615400- Kapitalni transferi javnim preduzećima -

poticaj šumarstvu za državne šume u iznosu	665.000,00KM.
Ukupan iznos za državne šume:.....	2.865.504,00 KM.
-Ekonomski kod 614400 - Subvencije javnim preduzećima - za	
izradu šumskogospodarskih osnova za privatne šume.....	200.000,00KM.
-Ekonomski kod 6145000 - Subvencije neprofitnim organizacijama -	
poticaj šumarstvu za privatne šume u iznosu	60.000,00 KM.
Sveukupno:.....	3.125.504,00KM.

C. KRITERIJI ZA DODJELU SREDSTAVA

Poštujući zakonske propise o utrošku namjenskih sredstava prikupljenih po osnovu naknada za zaštitu i unapređenje stanja postojećih i podizanja novih šuma i ruralni razvoj, u okviru programa „Transfer-poticaj šumama u skladu sa Zakonom o šumama“, iz Budžeta SBK za 2025. godinu, za utvrđeni iznos sredstava finansirat/sufinansirat će se projekti, kako slijedi:

1. Nerealizovani projekti po Programu utroška sredstava u 2024. godini, po osnovu prenosa neutrošenih namjenskih sredstava u iznosu: 565.913,87 KM.
2. Obnova šuma od posljedica elementarnih nepogoda - poplava na području općina Fojnica, Kiseljak i Kreševo.....1.000.000,00 KM
3. Obnova šuma od posljedica elementarnih nepogoda - šumski požari700.000,00 KM
4. Obnova šuma od posljedica elementarnih nepogoda - dugotrajni ekstremno sušni period i prenamnoženost insekata i slično.....659.590,13 KM
5. Uređivanje šuma u iznosu od..... 200.000,00KM.
- izrada šumskogospodarskih osnova za privatne šume

Sveukupno (1+2+3+4+5)..... 3.125.504,00KM.

C.1.

Odlukama Vlade SBK broj: 01-11.7-6432/2024 od 18.07.2024. godine i broj: 01-11.7-8120/2024 od 03.10.2024. godine usvojen je Program utroška sredstava sa kriterijima raspodjele sredstava sa pozicije " Transfer - Poticaj šumama u skladu sa Zakonom o šumama" utvrđenih Budžetom Srednjobosanskog kantona za 2024. godinu. U vezi sa realizacijom prihvaćenih projekata zaključeni su Ugovori o prenosu odobrenih namjenskih sredstava sa ŠPD/ŠGD "Srednjobosanske šume"/ "Šume Središnje Bosne" d.o.o. Donji Vakuf broj: 12-22-6171/24-55 od 27.12.2024. godine, u svrhu realizacije projekata iz programskih aktivnosti iskorištavanje šuma i zaštita šuma u iznosu: 520.134,85 KM, kao i Ugovor sa Asocijacijom privatnih šumoposjednika Srednjobosanskog kantona broj: 12-22-6171/24-53 od 27.12.2024. godine, u svrhu nastavka projekta „Identifikacije i mapiranja ilegalnih deponija otpada koje se nalaze u šumi i na šumskom zemljištu na području Srednjobosanskog kantona" u iznosi: 20.881,02 KM, te Ugovor sa Udruženjem inženjera i tehničara Federacije Bosne i Hercegovine (UŠIT), u svrhu sufinansiranja Projekta „Digitalizacija procesa gospodarenja državnim šumama na teritoriji Federacije Bosne i Hercegovine" pilot model za ŠPD/ŠGD „Srednjobosanske šume/Šume Središnje Bosne" d.o.o. Donji Vakuf - Šumarija Travnik broj: 12-22-6171/24-54 od 27.12.2024. godine u iznosu: 24.898,00 KM. Kako realizacija prihvaćenih

projekata nije okončana u 2024. godini, to su Budžetom SBK za 2025. godinu, a po osnovu prenosa neutrošenih namjenskih sredstava, osigurana sredstva za realizaciju predmetnih projekata u toku 2025. godine.

C.2.

Članom 15. Zakona o šumama uređena je problematika obnove šuma nakon nepogoda, na način da u slučaju nepogode u državnoj šumi uzrokovane bilo kojim biotičkim ili nebiotičkim agensom, korisnik državnih šuma je dužan izraditi plan obnove oštećenih i uništenih šuma i šumskog zemljišta, te je za mjere koje je potrebno provesti i troškove sanacije, ukoliko prelaze finansijsku mogućnost korisnika, sufinansiranje obnove moguće iz namjenskih sredstava. Godina 2024. predstavlja izuzetno tešku godinu za šumarstvo, koju su pratile katastrofalne poplave na području općina: Kreševo, Fojnica i Kiseljak, sa procijenjenim štetama na produktivnoj šumskoj površini, transportnoj šumskoj infrastrukturi i na objektima u funkciji gospodarenja šumama, shodno Izvještaju stručnog tima za procjenu šteta broj: 12-03-40-1373/21-30 od 31.10.2024. godine, u iznosu od 7.285.000,00 KM, koji čini prilog ovom Programu i predstavlja osnov za subvencioniranje sanacije posljedica opredjeljenih sredstva u iznosu od 1.000.000,00 KM.

C.3.

Osim poplava, godinu 2024. su također pratile pojave požara na velikim površinama, što je shodno Izvještaju korisnika državnih šuma broj: 01-498/2025 od 23.01.2025. godine, rezultiralo opožarenom šumskom površinom od 963,96 ha, od čega visokih šuma 863,46 ha, sa procijenjenom direktnom štetom na šumi i šumskom zemljištu u državnom vlasništvu u iznosu od 2.590.193,58 KM, te se u cilju subvencioniranja sanacije posljedica opredjeljenih sredstva u iznosu od 700.000,00 KM.

C.4.

Pojava dugotrajnog ekstremno sušnog perioda tokom 2024. godine uzrokovala je slabljenje vitalnosti šumskog drveća sa nesagledivim posljedicama na šume i šumsko zemljište, te je usljed ulančavanja ekstremnih prijetnji i nivoa štetnih posljedica u narednim godinama, teško procijeniti nivo i obim potencijalnih šteta, a što je dodatno aktualizirano aktom ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf broj: 061/1-4789/25 od 23.01.2025. godine u vezi sa pogoršanim zdravstvenim stanjem šumskih ekosistema usljed kumulativnog stresa uzrokovanog visokim temperaturama i izrazito dugim razdobljem ekstremne suše, te se u cilju subvencioniranja sanacije posljedica opredjeljenih sredstva u iznosu od 659.590,13 KM.

C.5.

Članom 5. Zakona o šumama je uređeno da se šumama određenog područja gospodari u skladu sa odredbama šumskogospodarskih osnova, te da se šumskogospodarska osnova za državne šume izrađuje u granicama jednog šumskogospodarskog područja, odnosno da se za privatne šume izrađuje jedinstvena osnova za sve šume na području jedne općine, te je članom 57. Zakona o šumama utvrđeno da se izrada šumskogospodarskih osnova za privatne šume finansira iz namjenskih sredstava Budžeta Kantona, prikupljenih po osnovu odredbi člana 54. Zakona. Šumskogospodarske osnove se izrađuju za razdoblje od deset godina i krajnji rok izrade novih šumskogospodarskih osnova, shodno članu 5. Zakona, je 120 dana prije isteka roka važenja prethodnih osnova. Kako je istek roka važenja šumskogospodarskih osnova za privatne šume na području Srednjobosanskog kantona 31.12.2027. godine (općine: Kreševo, Fojnica, Busovača, Vitez, Novi Travnik, Donji Vakuf i Bugojno), odnosno 31.12.2028. godine (općine: Kiseljak, Travnik, Gornji Vakuf/Uskoplje, Dobretići i Jajce), to je u svrhu osiguranja uslova za pravovremenu izradu novih šumskogospodarskih osnova za privatne šume na području Srednjobosanskog kantona, potrebno pristupiti pokretanju zakonitog postupka izrade istih u toku 2025. godine, kako bi se cjelokupan postupak izrade mogao uspješno okončati do kraja 2028. godine. Iznos sredstava od 200.000,00 KM opredjeljen ovim Programom, nakon što se u zakonitoj proceduri odabere izvođač radova - izrađivač šumskogospodarskih osnova, predviđen je za realizaciju pripremnih aktivnosti na izradi

šumskogospodarskih osnova, dok će se pokretanje postupka izrade šumskogospodarskih osnova za privatne šume na području Srednjobosanskog kantona, regulisati posebnom odlukom Vlade SBK. Kandidovane projekte potrebno je dovesti u vezu sa prednje navedenom grupom poslova za koje je moguće korištenje namjenskih sredstava po ovom Programu.

Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine (Službene novine F BiH broj: 15/2018), utvrđeni su minimalni standardi koje je potrebno slijediti prilikom planiranja i dodjele sredstava putem transfera i subvencija, te se slijedom istih, prioriteti za finansiranje utvrđuju na osnovu procjene potreba u određenoj oblasti u srednjoročnom periodu i mjera za ostvarivanje ciljeva iz strateških dokumenata, te obaveza prema zakonski utvrđenim pravima koje spadaju u nadležnost davaoca budžetskih sredstava. Budžetska sredstva prema ovom Programu (Tačka C.2., C.3. i C.4.), mogu se dodijeliti korisniku državnih šuma, kandidovanjem projekata bez objavljivanja javnog poziva u skladu sa tačkom II.C.17,18.c i 19. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine. Za dodjelu budžetskih sredstva prema ovom Programu (Tačka C.2., C.3. i C.4.), potrebno je prethodno izvršenje pristiglih obaveza korisnika državnih šuma po ranije odobrenim projektima, kao i prethodno izmirenje pristiglih obaveza korisnika državnih šuma prema budžetu Kantona po osnovu naknada za korištenje državnih šuma u skladu sa odredbama važećeg Zakona o šumama. Prijedlog za finansiranje kandidovanih projekata utvrđuje komisija koju svojim rješenjem imenuje direktor Kantonalne uprave za šumarstvo uz obavezno zaključivanje ugovora u vezi sa odabranim projektima.

Za korištenje budžetskih sredstva prema ovom Programu (Tačka C.5.), obavezno je objavljivanje javnog poziva, u skladu sa tačkom II. C. 17. i 20 . Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine.

D.REALIZACIJA I NADZOR:

Realizacija ugovora iz (Tačke C. 1.-5.) vršit će se sukcesivno po osnovu ovjerenih periodičnih i/ili okončanih situacija o izvršenju radova shodno prethodno ostvarenom uvidu u izvršenje radova na terenu.

Nadzor nad namjenskim korištenjem navedenih sredstava kroz izvršenje sukcesivnih uplata kao i nad realizacijom terenskih radova, vršiti će Ministarstvo poljoprivrede, vodoprivrede i šumarstva putem Kantonalne uprave za šumarstvo i Ministarstvo finansija svako u domenu vlastite nadležnosti.

Prilog:

- Izvještaj stručnog tima za procjenu šteta nakon katastrofalnih poplava na području općina: Kreševo, Fojnica i Kiseljak, sa procijenjenim štetama na produktivnoj šumskoj površini, transportnoj šumskoj infrastrukturi i na objektima u funkciji gospodarenja šumama broj: 12-03-40-1373/21-30 od 31.10.2024. godine.





Broj: 12-03-40-1373/21-33

Datum: 06.11.2024. godine

**MINISTARSTVO POLJOPRIVREDE, VODOPRIVREDE I ŠUMARSTVA SBK/KSB
TRAVNIK**

PREDMET: Izvještaj o procjeni šteta na šumi i šumskom zemljištu uzrokovanim poplavama na području općina Kreševo, Fojnica i Kiseljak - dostavlja se

Poštovani,

U skladu sa Naredbom Kantonalnog štaba Civilne zaštite Travnik broj: 01-40-4/24-2 od 09.10.2024. godine i u skladu sa članom 11. Ugovora o prijenosu poslova gospodarenja državnim šumama na području Srednjobosanskog kantona broj: 06-22-39/22 od 13.01.2022. godine i aktom ŠPD/ŠGD „SBŠ/ŠSB“ d.o.o. Donji Vakuf broj: 06/1-9419/24 od 15.10.2024. godine, Odlukom direktora Kantonalne uprave za šumarstvo formirana je radna grupa/tim za procjenu šteta na šumi i šumskom zemljištu uzrokovanu poplavama u općinama Fojnica, Kiseljak i Kreševo.

Radna grupa/tim je u periodu od 17.10.2024. godine do 31.10.2024. godine vršila snimanje relevantnih podataka na terenu neophodnih za procjenu štete na šumi i šumskom zemljištu u državnim i privatnim šumama, sa aspekta šteta na umanjeњу produktivne šumske površine, šteta na putnoj šumskoj infrastrukturi i šteta na objektima koji su u funkciji gospodarenja.

Slijedom navedenog sačinjen je cjelovit izvještaj o procjeni šteta na području općina Kreševo, Fojnica i Kiseljak br. 12-03-40-1373/21-30 od 31.10.2024. godine (sa prilogima -pojedinačni izvještaji za svaku od općina), koji Vam dostavljamo na hitno proslijeđivanje Kantonalnoj upravi za civilnu zaštitu SBK, kao i nadležnim Službama civilne zaštite općina Fojnica, Kiseljak i Kreševo, kako bi isti blagovremeno objedinili ukupne procijenjene štete na području SBK u cilju prikupljanja neophodnih sredstava potrebnih za saniranje evidentiranih šteta.

Prilog:

- Izvještaj o izvršenoj procjeni šteta na šumi i šumskom zemljištu uzrokovanim poplavama na području općina Kreševo, Fojnica i Kiseljak br. 12-03-40-1373/21-30 od 31.10.2024. godine (sa prilogima -pojedinačni izvještaji za svaku od općina).

Dostavljeno:

- Naslovu x2
- ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf x2
- Odjeljenje KUŠ SBK Fojnica - ovdje
- ⊖ a/a



Direktor

Ševal Konjarić, dipl. ing. šum.



**Procjena evidentiranih šteta na šumi i
šumskom zemljištu uzrokovanim
poplavama na području
općina: Kreševo, Kiseljak i Fojnica**



Oktober, 2024. godine



Broj: 12-03-40-1373/21-30

Datum: 31.10.2024. godine

Odlukom broj 12-03-40-1373/21-22 od 15.10.2024. godine formirana je radna grupa/ tim za procjenu šteta na šumi i šumskom zemljištu uzrokovanu poplavama u općinama: Fojnica, Kiseljak i Kreševo u skladu sa Naredbom Kantonalnog štaba Civilne zaštite Travnik broj: 01-40-4/24-2 od 09.10.2024. godine i u skladu sa članom 11. Ugovora o prijenosu poslova gospodarenja državnim šumama na području Srednjobosanskog kantona broj: 06-22-39/22 od 13.01.2022. godine i akta ŠPD/ŠGD „Srednjobosanske šume/ Šume Središnje Bosne“ d.o.o. Donji Vakuf broj: 06/1-9419/24 od 15.10.2024. godine, sastavljena od članova:

1. Nino Skrobo - izvršni direktor u ŠPD/ŠGD "SBŠ/ŠSB" d.o.o. D.Vakuf,
2. Albert Kokić - izvršni direktor u ŠPD/ŠGD "SBŠ/ŠSB" d.o.o. D.Vakuf,
3. Nikolina Ban - upravnica Šumarije Kreševo, ŠPD/ŠGD "SBŠ/ŠSB" d.o.o. D.Vakuf,
4. Elmir Dugonja - upravnik Šumarije Fojnica, ŠPD/ŠGD "SBŠ/ŠSB" d.o.o. D.Vakuf
5. Vinko Jurković - upravnik Šumarije Kiseljak, ŠPD/ŠGD "SBŠ/ŠSB" d.o.o. D.Vakuf
6. Emir Bešić - šef proizvodnje u Šumariji Kreševo, ŠPD/ŠGD "SBŠ/ŠSB" d.o.o. D.Vakuf,
7. Ivica Knežević - šef proizvodnje u Šumariji Fojnica, ŠPD/ŠGD "SBŠ/ŠSB" d.o.o. D.Vakuf,
8. Emina Zahirović - stručni saradnik ispred ŠPD/ŠGD "SBŠ/ŠSB" d.o.o. D.Vakuf,
9. Selver Salčinović - geometar ispred ŠPD/ŠGD "SBŠ/ŠSB" d.o.o. D.Vakuf,
10. Nevzet Pezić - šef Odjeljenja KUŠ-a Fojnica,
11. Ivona Dugandžić - stručni saradnik u Odjeljenju KUŠ-a Fojnica,
12. Adnan Mešić - stručni saradnik u Direkciji KUŠ-a,
13. Sumea Spahić - geometar KUŠ-a,
14. Edin Krkić - geometar KUŠ-a, te sačinjava:

IZVJEŠTAJ

o izvršenoj procjeni šteta na šumi i šumskom zemljištu uzrokovanim poplavama na području općina: Kreševo, Fojnica i Kiseljak

Usljed obilnih padavina od dana 04.10.2024. godine i šteta pričinjenih istim na području općina Kreševo, Fojnica i Kiseljak, Vlada Srednjobosanskog kantona je Odlukom o proglašenju stanja nesreće uzrokovano obilnim padavinama na području Srednjobosanskog kantona broj: 01-11.7-8145/2014 od 05.10.2024. godine proglasila stanje nesreće na navedenom području.

Općine: Kreševo, Fojnica i Kiseljak su locirane u središnjem dijelu Bosne i Hercegovine i zauzimaju površinu od 620 km² koje graniče sa Sarajevskim, Zeničko-dobojskim i Hercegovačko-neretvanskim kantonom i iste prema orografskim karakteristikama pripadaju oblasti unutrašnjih Dinarida koje karakterišu brdsko-planinski reljef u kojem dominiraju visoki grebeni, brda i planine kao što su: Vranica, Matorac, Bitovnja, Visočica, Berberuša, Lopata, Inač i drugi. Vertikalni dijapazon kreće se od 500 mnv (rijeka Željeznica) do 2112 mnv (Nadkrstac-Vranica).

U hidrografskom smislu područje općina spada u red bogatih hidrografskih područja koje pripada slivu rijeke Bosna sa izrazitim slivnim područjem kojeg čine rijeke: Fojnička rijeka, Željeznica, Lepenica, Kreševčica, Dragača, Kozica i bezbroj manjih planinskih potoka.



U šumarskom pogledu šume i šumsko zemljište područja navedenih općina pripadaju ŠPP „Fojničko“: G.J. „Crna rijeka fojnička“, G.J. „Pogorelica Garež“, G.J. „Lepenica Kreševo“, G.J. „Prokos Fojnica“ G.J. „Zahor Jasikovica“, G.J. „Busovača dio“, G.J. „Sebešić“ i G.J. „Neretvica“.

Radna grupa/ tim u naprijed navedenom sastavu je štete na šumi i šumskom zemljištu sagledavala sa tri aspekta:

- štete na produktivnoj šumskoj površini,
- štete na šumskoj transportnoj infrastrukturi i
- štete na objektima koji služe u svrhu gospodarenja šumama,

a terenski obilazak i pregled šumskih lokaliteta ugroženih poplavama na području navedenih općina izvršen je u vremenskom periodu od 17.10.2024. do 31.10.2024. godine po karakterističnim slivnim područjima, na osnovu kojih je sačinjen pojedinačni izvještaj sa procjenjenim štetama na šumi i šumskom zemljištu za svaku od gore navedenih općina i sastavni su dijelovi ovog izvještaja.

Općina Kreševo

Obzirom da je prema raspoloživim informacijama prepoznato da je područje Šumarije Kreševo pretrpjelo najznačajnije štete usljed poplava na šumi i šumskom zemljištu, radna grupa je i započela svoje aktivnosti na istoj u periodu od 17.10.2024. godine. Istog dana izvršene su međusobne konsultacije o načinu rada, metodici i dinamici aktivnosti i načinu obračuna evidentiranih šteta.

Nakon izvršenih konsultacija i analize raspoloživih informacija utvrđeno je da su štete na šumi i šumskom zemljištu nastale u četiri (4) karakteristična slivna područja i to slivovi: Nevra, Crna rijeka, Kostajnica i Radava. Ukupna površina odjela koji gravitiraju ovim slivnim područjima iznosi cca 7.000 ha što čini 70 % od ukupne površine šume i šumskog zemljišta na području Šumarije Kreševo. Nakon obavljenih terenskih radova sa danom 28.10.2024. godine na evidentiranju pričinjenih šteta na šumi i šumskom zemljištu (snimanje stanja šumske transportne infrastrukture, produktivne šumske površine i izgubljene/oštećene drvene mase, uništenih/oštećenih objekata i mostova, mjerenja, geopozicioniranja karakterističnih tačaka, fotografisanje i dr.) izvršen je obračun pričinjene štete na istim.

Ukupno procijenjena šteta na šumi i šumskom zemljištu na području općine Kreševo iznosi **4.828.559,00 KM** (od čega direktna šteta iznosi 3.005.036,00 - štete na šumi i produktivnoj šumskoj površini iznose 628.287,00 KM, štete na putnoj infrastrukturi 2.376.749,00 KM, dok štete na objektima koji služe u funkciji gospodarenja nisu evidentirane; indirektna šteta iznosi 1.823.523,00 KM).

Najveći iznos obračunatih direktnih šteta se odnosi na **šumsku transportnu infrastrukturu** i iznosi **2.376.749,00 KM** ili **79 %** od ukupno obračunatih direktnih šteta.

Općina Kiseljak

Dana 25.10.2024. godine započete su aktivnosti na procjeni šteta usljed poplava na šumi i šumskom zemljištu na području Šumarije Kiseljak, te je na osnovu raspoloživih informacija konstatovano da nema značajnijih šteta na šumi i šumskom zemljištu na području kojim gospodari Šumarija Kiseljak odnosno da su najveće štete na urbanim/naseljenim dijelovima navedene općine. Nakon razmjene informacija sa odgovornim licima ispred Šumarije Kiseljak utvrđeno je da su štete na šumi i šumskom zemljištu evidentirane u slivu Rikavac (pogranični dio općine Kiseljak/Fojnica), nakon čega je izvršen terenski uvid na licu mjesta u cilju sagledavanja nastalih šteta.

Nakon obavljenih terenskih radova sa danom 29.10.2024. godine na evidentiranju pričinjenih šteta na šumi i šumskom zemljištu (snimanje stanja šumske transportne infrastrukture, produktivne šumske površine i izgubljene/oštećene drvene mase, uništenih/oštećenih objekata i mostova, mjerenja, geopozicioniranja karakterističnih tačaka, fotografisanje i dr.) izvršen je obračun pričinjene štete na istim.

Ukupno procijenjena direktna šteta na šumi i šumskom zemljištu na području općine Kiseljak iznosi **24.990,00 KM** i sva se odnosi na **šumsku transportnu infrastrukturu**.

Općina Fojnica

Područje Šumarije Fojnica pretrpjelo je značajne štete usljed poplava na šumi i šumskom zemljištu usljed bujičnih tokova sa područja općine Kreševo. Radna grupa je započela aktivnosti sa danom 28.10.2024. godine na slivu Radava (Željeznica) koji je prepoznat kao sliv sa najzačajnijim obimom pretrpljenih šteta. Štete su evidentirane na regionalnom putu Fojnica - Konjic (R 437) i šumskoj transportnoj infrastrukturi na navedenom slivu kojim gospodari Šumarija Fojnica. Nakon obavljenih terenskih radova sa danom 31.10.2024. godine na evidentiranju pričinjenih šteta na šumi i šumskom zemljištu (snimanje stanja regionalne i šumske transportne infrastrukture, produktivne šumske površine i izgubljene/oštećene drvene mase, uništenih/oštećenih objekata i mostova, mjerenja, geopozicioniranja karakterističnih tačaka, fotografisanje i dr.) izvršen je obračun pričinjene štete na istim.

Ukupno procijenjena šteta na šumi i šumskom zemljištu na području općine Fojnica koja je zahvaćena poplavama iznosi **2.431.477,94 KM** (od čega direktna šteta iznosi 902.957,14 KM - štete na šumi i produktivnoj šumskoj površini iznose 95.909,00 KM, štete na putnoj infrastrukturi (regionalnoj i šumskoj) 735.636,50 KM, dok štete na objektima lociranim na šumi i šumskom zemljištu koji služe u funkciji gospodarenja nisu evidentirane (evidentirane štete na objektu Šumarije Fojnica u iznosu od 71.411,64 KM); indirektna šteta iznosi 1.528.520,80 KM).

Najveći iznos obračunatih direktnih šteta se odnosi na kamionske puteve (šumski i regionalni) i iznose **713.136,50 KM** ili 79 % od ukupno obračunatih direktnih šteta.

Rekapitulacija evidentiranih šteta na području općina (KM)							
R.br.	Općina	Putna infrastruktura	Produktivna površina	Betonske konstrukcije/ podzide	Uređenje vodotoka	Objekti	Ukupna šteta
1.	Kreševo	2.376.749,00	628.287,00	1.220.625,00	602.898,00		4.828.559,00
2.	Kiseljak	24.990,00					24.990,00
3.	Fojnica	735.636,50	95.909,00	1.315.000,00	213.520,80	71.411,64	2.431.477,94
Σ		3.137.375,50	724.196,00	2.535.625,00	816.418,80	71.411,64	7.285.026,94

ZAKLJUČCI:

1. Ukupno procijenjene štete na šumi i šumskom zemljištu na području općina Kreševo, Fojnica i Kiseljak koje su zahvaćene poplavama iznose **7.285.026,94 KM** (od čega **direktna šteta iznosi 3.932.983,14** - štete na šumi i produktivnoj šumskoj površini iznose 724.196,00 KM, štete na putnoj infrastrukturi 3.137.375,50 KM, dok štete na objektima koji služe u funkciji gospodarenja nisu evidentirane (izuzev objekta Šumarije Fojnica koji je u funkciji gospodarenja šumama a nalazi se izvan šume i šumskog zemljišta u procijenjenoj šteti od 71.411,64 KM); **indirektna šteta iznosi 3.352.043,80 KM**).

2. Najveći iznos obračunatih direktnih šteta se odnosi na **putnu infrastrukturu** i iznosi **3.137.375,50 KM** ili **80 %** od ukupno obračunatih direktnih šteta.

Većina navedene putne infrastrukture nije u funkciji jer su na određenim dijelovima potpuno uništeni i zahtijevaju potpunu izgradnju i/ili izmještanje trase puta, a određeni dijelovi su značajno uništeni i isti zahtijevaju rekonstrukciju postojeće trase puta uključujući značajne građevinske zahvate.

U cilju rekonstrukcije postojeće putne infrastrukture koja se naslanja direktno na vodotok, usljed jakog bujičnog djelovanja vode došlo do potpune devastacije puta zbog čega je neophodno planirati izgradnju novih betonskih konstrukcija/ podzida koje zahtijevaju značajna finansijska sredstva u procijenjenom iznosu 2.535.625,00 KM.

Na putnoj infrastrukturi uništeno/oštećeno je ukupno **14 mostova i 92 cjevasta betonska propusta**, te se procijenjuje šteta u iznosu od **497.146,00 KM** ili 13 % od ukupnih direktnih šteta.

3. Štete na šumi i šumskoj produktivnoj površini iznose **724.196,00 KM**, odnose se na površinu od **21,79 ha** (erozivno djelovanje usljed bujica; klizišta/odroni; akumulacija mineralnog materijala) i drvenu masu uništenu/oštećenu od **6.059 m³ krupnog drveta**. Dio drvene mase je trajno uništen, a značajniji dio drvene mase je oštećen, te se zajedno sa korijenovim sistemom i granjevinom nalazi unutar samih vodotoka, čineći prirodnu barijeru zajedno sa kamenoblatnenim nanosima, te u slučaju novih padavina **predstavlja ozbiljnu prijetnju po živote ljudi i materijalnih dobara**.
4. Procijenjene štete na vodotocima iznose **816.418,80 KM** koje su nastale usljed djelovanja velikih količina oborinskih voda koje su prouzrokovale značajno uništenje i devastaciju vodotoka (isti su na pojedinim dijelovima u cijelosti ili djelimično izmjenjeni), pri čemu se unutar samog korita akumulirala veća količina bujičnog nanosa (kamen, pijesak, drvo i dr.) i zahtjeva hitnu sanaciju, koja predstavlja osnovni preduslov za rekonstrukciju postojeće putne infrastrukture.
5. Usljed dugotrajnog sušnog perioda kojem su slijedile obilne padavine i razorno djelovanje bujica došlo je do narušavanja prirodnog režima tla, u smislu da su aktivirana klizišta i odroni, te je za očekivati u narednom periodu (usljed novih oborina, niskih temperatura, izraženog reljefa i sl.) pokretanje novih klizišta/odrona i nestabilnost šumskog tla.

Prilozi:

1. Izvještaj o izvršenoj procjeni šteta na šumi i šumskom zemljištu uzrokovanim poplavama na području općine Kreševo br. 12-03-40-1373/21-25 od 28.10.2024. godine (sa prilogima) u šest primjeraka;
2. Izvještaj o izvršenoj procjeni šteta na šumi i šumskom zemljištu uzrokovanim poplavama na području općine Fojnica br. 12-03-40-1373/21-28 od 31.10.2024. godine (sa prilogima) u šest primjeraka;
3. Izvještaj o izvršenoj procjeni šteta na šumi i šumskom zemljištu uzrokovanim poplavama na području općine Kiseljak br. 12-03-40-1373/21-29 od 29.10.2024. godine (sa prilogima) u šest primjeraka;
4. Način obračuna evidentiranih šteta na šumi i šumskom zemljištu;

Dostavljeno:

- Kantonalna uprava za šumarstvo SBK
- ŠPD/ŠGD „Srednjobosanske šume/ šume Središnje Bosne“ d.o.o. Donji-Vakuf

Radna grupa/tim:

Nino Skrobo - _____
Albert Kokić - _____
Nikolina Ban - _____
Elmir Dugonja - _____
Vinko Jurković - _____
Selver Salčinović - _____
Nevzet Pezić - _____
Ivona Dugandžić - _____
Adnan Mešić - _____
Edin Krkić - _____



Način obračuna evidentiranih šteta na šumi i šumskom zemljištu (općina Kreševo, Fojnica i Kiseljak)

Prilikom obračuna štete na šumi i šumskom zemljištu (općina Kreševo, Fojnica i Kiseljak) nastalih usljed obilnih padalina kao polazna osnova korišteni su sljedeći parametri i cjenovnici:

Jedinstveni minimalni cjenovnik proizvoda šumarstva i usluga za 2024. godinu, br 02-11018/23 od dana 28.12.2023.g., sa uračunatim PDV-om, ŠPD/ŠGD „SBŠ/ŠSB“ d.o.o. Donji Vakuf.

Zapisnici o tehničkim prijemima radova (transportna šumska infrastruktura primarna i sekundarna, šumskouzgojni radovi), pri obračunu uzete prosječne cijene izvršenih radova na nivou korisnika državnih šuma.

Obračun šteta na šumi i šumskom zemljištu po karakteru šteta:

a) štete na drvnoj masi i produktivnoj šumskoj površini:

- uništena/oštećena drvena masa obračunata prema prosječnoj drvnoj zalihi po hektaru za pripadajuću gazdinsku klasu iz važećeg elaborata ŠPO/ŠGO „Fojničko“ za uništenu/oštećenu evidentiranu drvenu masu/površinu;
- troškovi podizanja novih zasada za evidentiranu izgubljenu površinu (priprema površine, troškovi sadnog materijala, troškovi stručnog nadzora, troškovi pošumljavanja i mjere obnove) obračunati na bazi važećeg cjenovnika ŠPD/ŠGD „SBŠ/ŠSB“ d.o.o. Donji Vakuf za svaku pojedinačnu fazu radova.

b) štete na šumskoj transportnoj infrastrukturi:

- štete na šumskoj transportnoj infrastrukturi (primarnoj i sekundarnoj) obračunate na bazi zapisnika o tehničkim prijemima, uzete prosječne cijene izvršenih radova na nivou korisnika šuma ŠPD/ŠGD „SBŠ/ŠSB“ d.o.o. Donji Vakuf u zavisnosti od vrste izvršenih radova (izgradnje, rekonstrukcije i sanacije) kamionskih i traktorskih puteva;
- troškovi gradnje asfaltnih komunikacija obračunatih na osnovu parametara iz tehničkih prijema radova na modernizaciji putnih pravaca financiranih iz namjenskih sredstava (Transfer poticaj šumama za 2023. godinu u skladu sa Zakonom o šumama), kao i važećih normativa i cjenovnika građevinskih firmi koje se bave izgradnjom putnih komunikacija;
- troškovi betonskih cjevastih propusta i njihove ugradnje obračunati na osnovu prosječnih cijena radova iz zapisnika o tehničkim prijemima ŠPD/ŠGD „SBŠ/ŠSB“ d.o.o. Donji Vakuf;
- troškovi izgradnje/sanacije mostova obračunati na osnovu prosječnih cijena radova iz zapisnika o tehničkim prijemima ŠPD/ŠGD „SBŠ/ŠSB“ d.o.o. Donji Vakuf, te na osnovu normativa i važećih cjenovnika pojedinačnih radova građevinskih firmi koje se bave navedenim djelatnostima.

c) procijenjeni indirektni troškovi saniranja riječnog korita (podizanje betonskih konstrukcija i uređenje vodotoka):

- troškovi gradnje potpornih zidova riječnih korita obračunati na osnovu važećih normativa i cjenovnika građevinskih firmi koje se bave izgradnjom;
- troškovi uređenja vodotoka obračunati na osnovu procijenjenih potrebnih radnih sati adekvatne mehanizacije za sanaciju prema važećem cjenovniku ŠPD/ŠGD „SBŠ/ŠSB“ d.o.o. Donji Vakuf.

Fojnica 31.10.2024.godine

